

BERDAD NUNCA
A PERJUDICA
NINGUN HENDE
NINGUN CAUSA
NI NINGUN
NACION.....



DIARIO

E MATUTINO DI ARUBA

Abonado pa luna 19,00* ehemplar 80 cent aña 12 No.3663

DIABIerna 5 FEBRUARI 1993

MIGHTY STINGER ASESINA




Riba e foto aki por mira momento cu Dr. Oostendorp ta constata morto di "Stinger".

MIGHTY STINGER ASESINA



E auto aki a haya wiel cu lo a ser kita di otro auto



ORANJESTAD(AAN):

Pablo Rene Emer, "Mighty Stinger", pa hopi aña a participa den concurso di calypso y roadmarch, pero ultimo 3 concursionan, e no a tuma parti mas bien pa falta di banda y preparacion.

Ayera madrugada sinembargo, "Stinger" a perde su bida ora cu el a ser hinca den Helffrichstraat na San Nicolas.

Tabata pa mas o menos 5 pa 4 madrugada cu polis a ser informa cu un homber cu hincage grave y perdiendo sanger ta drumi na altura di Las Vegas Bar, y a resulta cu tabata Pablo Emer, mihor conoci como "Stinger".

Ora cu polis a yega e victima no tabata duna señal di bida y a solicita asistencia di docter Oostendorp cu a constata morto mas o menos 4.40 or.

Informacionnan a indica cu e victimaun rato prome lo tabata tin discusion cu un tal Maikel R.J. pa motibo di placa.

Segun un fuente, un persona lo a haya flattire cu auto y mester a move di e sitio y pa a haci esaki e tabata tin mester di un tire. E persona lo a pidi e dosnan menciona ariba den e pleito pa sea busca un tire pe of drecha esun flat.

Aparentemente e dos perso-



Esaki ta e auto for di cual presumiblemente a kita wiel pa pone riba e otro auto.

nanan lo a kita tire di un otro auto, pone bao di e auto cu flattire y nan lo a wordo paga pa e trabao aki.

Pablo y Maikel lo a discuti encuanto e placa y durante discusion Maikel lo a propina Pablo un hinca cu a bin resulta fatal despues di perdedimento di hopi sanger.

E sospechoso Maikel a ser deteni na Zeewijk y no ta biba mucho leeuw di cas di Pablo.

Fiscal Mr. Merx a pone beslag riba e cadaver pa autopsia cu a ser teni ayera merdia.

Stinger pa hopi aña a participa como cantante di calypso den concurso anual di carnaval. Nunca e tabata ganador pero si tabata goza di

un popularidad pa su manera unico di presenta su piezanan.

"Chuck Chuck" na 1990 a bin resulta e roadmarch di mas popular di Stinger.

Stinger tabata un persona trahador den contratista, pero mas o menos dos aña pasa cu den mundo di construccion a cuminsa kita hopi hende, principalmente yunan di tera y laga stranheronan si sigui traha, el a perde trabao. For di e tempo ey e tabata pasa den temponan masha dificil y aparentemente e bida dificil aki mes a bin causa fin di su bida ayera madrugada.

Na familianan di e fallecido DIARIO ta extende su profundo condolencia.